

ԽՂՃԻ ԽԱՅԹ

Ա. ՄԻԻԹԱՐԵԱՆՑԻ

I.

Պայծառ գիշեր է. յամրաքալ լուսին
Հազիւ գընում է առաջ կիսաքուն.
Հեռու միգապատ սարի գազաթին
Փայլում են աստղեր. յոգնած բընութին
Հազիւ շընչում է խաղաղ քնի մէջ.
Լուռ են և երգեր նորեկ թըռչնակի,
Միայն խոր ձորից տաղտուկ և անվերջ
Լըսւում է խոխոջն արթուն գետակի:
Ժամ է և Հանգչել վաստակած մարդուն,
Ժամ է մոռանալ հոգսեր ցերեկեան,
Մոռանալ վըրէժ, ոխ, ատելութիւն,
Գոնէ երազում սիրել մի վայրկեան:

II.

Բայց փախչում է քուն մարդու աչքերից.
Անձայն քաղաքում վառ են ճըրագներ,
Վառւում են նոյնպէս վըշտեր ու թախիժ
Մարգկային սըրտում. ոչ ոք այս գիշեր
Ձի կարող Հանգչել: Եւ ահա Հեռւից
Կէս գիշերային մեղմիկ ղողանջիւն,
Հանգած բընութեան ընդհատելով քուն,

Խաղաց, դողդողաց և ալենրման
 ճընգւեց օգի մէջ: Նորից կեանք առան
 Թափուր փողոցներ. նորից ոտնաձայն,
 Շըշուկ, աղաղակ տիրեց քաղաքում,
 Նորից բարձրաձայն զանգակն է հընչում:

III.

Լուռ է բազմութիւն Աստծոյ յարկի տակ.
 Սըրբերի առաջ աղօտ նըշուլով
 Այս և այն կողմում փայլում է ճըրագ,
 Վառւում է կանթեղ առկայծեալ լուսով
 Արտասուող Կուսի պատկերի առաջ,
 Հեռու մըթան մէջ երևում է խաչ:
 Հոգեբուղիս երգեր, տըխուր մեղեգի
 Մըանում են հոգու խորին ծածկոյթներ,
 Ընկնում է կապանք քարացած սըրտի.
 Արթնանում է խիղճ. չարութեան գործեր
 Շարւում են մէկ մէկ իրար ետևից
 Եւ... և արտասուք գընում է աչքից:

IV.

Հանգչում են կանթեղ, ճըրագ և մոմեր,
 Տիրում է 'չորս կողմ խաւար անթափանց,
 Հընչում են կըրկին ոգելից երգեր—
 Լըսում է ամբոխ լուռ, արձանացած:
 Եւ ահա, ահա խաւարի միջին
 Ծընունդ է առնում դիւթական պատկեր—
 Այն խաչ է կանգնած սարի գագաթին
 Եւ նորա շուրջը պայծառ կէս գիշեր:
 Ահա և խաչաւածն—գալկացած երես
 Թեքել է սլարդած թւերի վերայ,
 Ահեղ չարչարանք, ցաւեր աղեկէղ
 Տանջում են նորան... և լըռում է նա:

V.

Նորա ճակատին բաց են դեռ վերքեր,
 Մեխած ձեռներից, կողից կարեվէր
 Հոսում են արեան շիթերն անդադար
 Եւ կաթիլ կաթիլ դըլորում են վայր:
 Արդէն ուժասպառ մարդկային մարմնին
 Տիրում է գունատ դալկութիւն մահւան,
 Մօտ է խաչածի վայրկեանը վերջին.
 Ու բա՛ւ է, և ցաւն ունի իւր սահման:
 Բայց աստուածային վառ են դեռ աչեր.
 Չը կայ նոցա մէջ դանգատ, բարկութիւն,
 Այնտեղ վառում է յաւերժական սէր,
 Նորա բերանից լըսւում է ներումն:

VI.

«Ներում եմ ես ձեզ... արտասւում էք դուք...
 Հաւատում եմ ես չարերի զրդշման...
 Բայց, դիտեմ, երկար չի տևիլ այդ սուգ—
 Շուտ կը լուսանայ և օրը վաղւեան.
 Եւ երբ չէք տեսնիլ ձեր աչքի առաջ
 Աստուծոյ Որդուն խաչած, չարչարած,
 Երբ կը մոռանաք իմ վերք և արիւն՝
 Կ'անցնի և այդ կարճ զրդշման դառնութիւն:
 Կըսկըսէք նորից Յուդայի նըման
 Մատնել, վաճառել ձեր մերձաւորին,
 Որ իբրև քարոզ սուրբ ճմարտութեան
 Փուշ է երևել ձեր կոյր աչերին:

VII.

«Կեղծ, փարիսական արդարսիրութեամբ
 Քարշ կը տաք նորան դէպ ի Հրապարակ
 Եւ ամբարտաւան բարձրամըտութեամբ

Անմեղին մահւան վրձիւ կը կարդաք:
 Կըսկըսէք նորից եղբօր վերալից
 Հանել, պատառել միակ պատմութեան,
 Փըշեր կը կախէք նորա ճակատից,
 Գանելով ծաղրել կըսկըսէք նորան:
 Թըշառու/թեան մէջ, որպէս սուտ ընկեր,
 Որպէս ուրացող հեռւից կ'արասուէք,
 Եւ երբ կը մնայ նա խեղճ և անտէր՝
 Բարձրաձայն «ի խաչ, ի խաչ» կը գոչէք:

VIII.

«Ներում եմ ես ձեզ... բայց իմացէք դուք,
 Որ պարծանք էք ձեզ ասում իմ անուն,
 Որ ծըխում էք ինձ քաղցրաբոյր կընդրուկ,
 Որ ինձ կանգնում էք յարկեր զարդարուն,
 Որ լաց էք լինում այժմ իմ առաջին՝
 Ինձ մի անգամ չէր որ խաչ Հանեցին:
 Եւ ամենայն օր խաչում եմ հիմա...
 Գիշերեան մը/թնով քարշում էք ինձ դուք
 Ծաղր ու ծանակով դէպ ի Գողգոթա,
 Պաշտում էք յայտնի՝ անտես ու ծածուկ
 Մեխում էք ամուր ամուր իմ ձեռներ
 Եւ իմ կող ու սիրտ խոցում կարեւելի:

IX.

«Եւ նայում եմ ես լերան գագաթից
 Սիրած փայփայած մարդկութեան վերայ.—
 Առաջին անգամ չէին տանջում ինձ
 Հարւած ու վէրքեր.—բայց վառ է հիմա
 Ամենայն գիշեր ձեր հարւածների
 Կըսկիծն ահաւոր. անզուսպ են ցաւեր,
 Սաստիկ է տանջանքն անշարժ ձեռների
 Եւ այրում են իմ արիւնոտ վէրքեր...»

Հիմա... բոլորած գիշերեսն հանդէս
 Թափում էք խաչի առաջ արտասուք...
 Օ՛, լացէ՛ք, լացէ՛ք—ներում եմ ես ձեզ,
 Միայն թէ իրար ներէիք և դուք...

X.

Դատարկ է տաճարն. ալեծուփ մըտքով
 Դառնում է ամբոխն անձայն գէպ ի տուն.
 Ոչինչ աղաղակ. խաղաղ անվըրգով
 Հանգչում է չորս կողմն հանգած բնութիւն:
 Թեթև, ըսպիտակ ամպերով ծածկւած
 Նընջում են լուսին, ասաղեր անհամար,
 Քընում է հիմա աշխարհ—արարած,
 Քընում է և մարդն. բայց երկար երկար
 Արթուն է գեռ ձայն զայրացած խրդճի,
 Անհանգիստ է քուն, կոշտ է անկողին
 Եւ երազներով մըռալլ, ահաեւի
 Տանջւում է նորա յանցաւոր հոգին...